

**CAPITAL HEALTH SYSTEM
PWOGRAM KONFÒMITE ANTREPRIZ
PRENSIP AK PWOSEDI**

TIT: Koleksyon Lopital ak Prensip Asistans Finansye		NO: CCP-FI-006
SOUS ORIJIN LI: Konfòmite Antrepriz la		DAT LI KÒMANSE: 1ye janvyè 2020
OTORIZASYON EGZEKITIF: <hr/> Al Maghazehe, Ph.D., CHE Prezidan ak PDG <hr/> Stephen A. Miller, JD Direktè Jeneral Konfòmite <hr/> Shane Fleming Vis Prezidan Prensipal & Direktè Jeneral Finans	PÈSONÈL: Finans Aksè Pasyan Kont Pasyan	RANPLASE: CCP-FI-006 1ye janvyè 2019 Paj: 1 sou 14
	DISTRIBISYON: Capital Link – Konfòmite Antrepriz	
		OTORIZASYON KOMITE: Komite Egzekitif Direksyon Konfòmite Antrepriz OTORIZASYON EGZEKITIF: Komite Administratif

I. OBJEKTIF

Etabli estanda pou bay bòdwo yon fason ki jis ak ekitab, pratik koleksyon ak asistans finansye ki reflekte estati Capital Health Medical Center – Hopewell ak Capital Health Regional Medical Center ('n ap rele ansanm "Capital Health") kòm yon pwofesyonèl swen sante ki pa komèsyal epi ki kore misyon li bay rezidan nan zòn sèvis li yo bon jan kalite sèvis swen sante san gade sou mwayen yo pou peye.

II. FÒM/ATACHMAN

Fèy Kalkil Finansye Konfidansyèl Capital Health

Lis Pwofesyonèl Swen Sante Capital Health

III. EKIPMAN/ATIK

Okenn

IV. PRENSIP

Parapò ak Misyon li, Capital Health, ak nenpòt lòt antite gen asosye ak li, jan li defini nan Sèvis Revni Entèn nan, respekte pratik faktirasyon ki jis ak ekitab ki trete tout pasyan yo ak diyite, respè ak konpasyon. Capital Health sèvi bezwen ijans ak lòt swen sante ki nesèsè pou rezon medikal tout moun san gade sou kapasite yo pou peye selon prensip li sou Swen Ijan (Prensip No. CCP-PC-002) avèk Lwa Sou Tretman Medikal Ijan ak Travay [Emergency Medical Treatment and Labor Act (EMTALA)]. Capital Health fasilite asistans pou pasyan ki pa gen mwayen pou peye yon pati oswa tout swen yo te resevwa yon fason ki respekte misyon ak valè Capital Health epi ki konsidere mwayen tout moun pou peye pou swen yo resevwa a.

Tanpri gade Anèks B pou yon lis tout pwofesyonèl swen sante k ap bay sèvis ijan oswa lòt sèvis swen sante ki nesèsè pou rezon medikal nan Capital Health Medical Center - Hopewell ak Capital Health Regional Medical Center ak si Prensip Asistans Finansye ("FAP") a garanti yo ou pa. N ap revize lis sa a chak twa mwa epi mete li ajou, si li nesèsè.

V. PIBLIYE ANPIL KOTE

FAP a, Fèy Kalkil Finansye Konfidansyèl Capital Health la "(Aplikasyon)" ak Rezime Nan Langaj Senp la ("PLS") disponib an angle ak lang prensipal popilasyon angle yo limite ki se omwen 1,00 moun oswa 5% kominote chak zòn sèvis prensipal lopital la sèvi. N ap fè tout efò pou garanti pasyan lang prensipal yo pa nan lis tradiksyon ki disponib yo konprann sa ki nan dokiman FAP yo byen klè. PLS, oswa Rezime Nan Langaj Senp la, se yon deklarasyon

ekri ki fè yo moun konnen lopital la ofri asistans finansye epi ki bay enfòmasyon sou FAP nan yon langaj ki klè, kout epi fasil ou konprann.

Capital Health fè tout efò ki rezonab pou fè pasyan yo konnen asistans finansye ki kapab disponib pou yo. Lè yon pasyan mande enfòmasyon sou asistans finansye, pèsònèl la ap di pasyan an asistans finansye kapab disponib men sèlman selon kritè yo ki nan prensip sa a epi pou resevwa plis enfòmasyon, pasyan oswa doktè a dwe kontakte Responsab Kredi ak Koleksyon nan Depatman Kont Pasyan an.

M ap mete FAP, Aplikasyon, ak PLS yo kote pou tout moun kapab fè nan fason sa yo:

- A. FAP, Aplikasyon ak PLS la ap disponib pou tout moun sou sitwèb Capital Health la: www.capitalhealth.org;
- B. Depi yon moun mande l ap jwenn kopi FAB, Aplikasyon ak PLS yo sou papye gratis pa lapòs oswa nan espas piblik chak lopital (sa gen lajan ominimòm sal dijans la ak kote pou anrejistre pasyan yo) ki nan adrès sa yo:

Capital Health Medical Center – Hopewell
One Capital Way
Pennington, NJ 08534

Capital Health Regional Medical Center
750 Brunswick Avenue
Trenton, NJ 08638

- C. Enfòmè ak notifiye moun nan kominote chak lopital sèvi yo sou FAP yon fason l ap jwenn moun nan kominote a ki gen plis chans pou bezwen asistans finansye;
- D. Notifiye ak enfòmè moun ki resevwa swen nan lopital yo sou FAP konsa:
 - 1. Ofri yon kopi PLS la sou papye bay pasyan ki entène yo kòm yon pati pou anrejistre yo nan lopital la;
 - 2. Mete anons ki ekri yon kote tout moun kapab wè sou bòdwo yo ki enfòmè pasyan yo sou asistans finansye ki disponib;
 - 3. Mete pano kote tout moun kapab wè ki notifiye ak enfòmè pasyan yo sou asistans finansye ki disponib nan espas piblik chak lopital.

VI. PWOGRAM ASISTANS FINANSYE AK KRITÈ POU KALIFYE

A. Pasyan San Asirans:

Nou defini yon pasyan san asirans kòm on moun ki pa gen okenn pwoteksyon asirans pou sèvis yo ki nesèsè pou rezon medikal epi ki pa kalifye pou okenn pwogram Eta, Federal ak lokal. Si pasyan an satisfè definisyon sa a ak kritè nou defini an nan "a" ak "b" pi ba a; pasyan an ap kalifye pou yon Rabè Moun San Asirans k ap ajiste responsablite pasyan an a pa plis pase 115% ranbousman Medicare a (*Lwa Piblik NJ 2008, c.60*).

Men kijan nou kalkile rabè a:

1. Pou tout sèvis pou pasyan ki entène itilize 115% kantite DRG Medicare a; epi
2. Pou tout sèvis pou pasyan ki pa entène itilize 115% kantite Medicare a.

Pasyan ki san asirans la dwe satisfè kritè sa yo:

- a. Yon rezidan New Jersey kalifye pou sèvis ijan ak sèvis ki pa ijan.
- b. Yon rezidan Etazini Damerik deyò New Jersey kalifye sèlman pou sèvis ijan.

Si pasyan an ranpli Aplikasyon an epi li kalifye pou Asistans Finansye sou prensip sa a, pasyan an p ap gen pou peye plis pase rabè pou moun san asirans la oswa kantite yo bay bòdwo anjeneral pou swen sa a (gade nan Seksyon VII).

B. Pwogram Asistans Peman Swen Lopital New Jersey ("Charity Care"):

Asistans Charity Care (Swen Charite) se swen gratis oswa ak yon pri redui ki disponib pou pasyan ki entène ak pa entène k ap resevwa sèvis nan lopital swen egi toupatou nan Eta New Jersey.

Charity Care se yon pwogram ki disponib pou rezidan New Jersey ki:

1. Pa gen okenn pwoteksyon asirans sante oswa gen pwoteksyon ki peye sèlman yon pati nan bòdwo a;
2. Pa kalifye pou okenn pwoteksyon prive oswa gouvènman peye; epi
3. Satisfè kritè kalifikasyon ki baze sou revni ak byen Eta a etabli.

Kritè Kalifikasyon Revni - Pasyan ak fanmi revni brit yo pi piti pase oswa egal ak 200% Gid Povrete Federal la [Federal Poverty Guidelines (“FPG”)] ki kalifye pou 100% pwoteksyon Charity Care. Pasyan revni brit fanmi yo plis pase 200% men pi piti pase oswa egal la 300% FPG a kalifye pou swen ak yon rabè sou pwogram Charity Care a. Kritè kalifikasyon revni baze sou revni touswit apre dat sèvis la.

Kritè Kalifikasyon Byen - Byen yon pasyan pa kapab depase \$7,000 epi byen fanmi an pa kapab depase \$15,000 depi dat sèvis la pou li kapab kalifye. Pou rezon seksyon sa a, fanmi nou dwe konsidere byen yo ap responsab legalman jan li defini nan N.J.A.C. 10:52-11.8(a).

N ap itilize Kritè Revni Moun San Asirans Depatman Swen Sante New Jersey a pou detèmine swen k ap gratis oswa garanti yon pati.

C. Rabè Pou Moun San Ase Asirans:

Capital Health bay yon rabè pou tout moun ki kalifye epi ki pa gen ase asirans ki pa gen mwayen pou peye tout oswa yon pati nan bòdwo lopital yo. Rabè sa a disponib pou pasyan ki pa gen ase asirans epi ki satisfè kritè kalifikasyon revni sa yo.

Kritè Kalifikasyon Revni - Pasyan ak fanmi revni brit yo pi piti pase oswa egal ak 400% Gid Povrete Federal la [Federal Poverty Guidelines (“FPG”)] ki kalifye pou 100% pwoteksyon. Pasyan revni brit fanmi yo plis pase 400% men pi piti pase oswa egal la 600% FPG a kalifye pou swen ak yon rabè.

N ap double kantite ki nan Kritè Revni Moun San Asirans Depatman Swen Sante New Jersey a pou detèmine swen k ap gratis oswa garanti yon pati.

VII. KANTITE YO BAY BÒDWO ANJENERAL (“AGB”)

Konfòmman ak Kòd Revni Entèn §501(r)(5), nan ka swen ijan oswa lòt swen ki nesèsè pou rezon medikal, pasyan ki kalifye pou asistans finansye sou FAP sa a p ap gen po peye plis pase moun ki gen asirans k ap garanti swen sa a.

Capital Health itilize Metòd Gade Dèyè a, sèvis frè Medicare a plis asirans sante prive pou kalkile yon pousantaj AGP pou chak nan lopital li yo. Nou kalkile pousantaj AGB a chak ane selon tout reklamasyon sèvis frè Medicare a plis asirans sante prive yo pèmèt pandan yon peryòd 12 mwa, divize pa sòm ki asosye ak frè brit reklamasyon sa yo. Y ap mete pousantaj AGB ki aplikab la sou frè brit la pou detèmine AGB a.

Men kisa rezilta pousantaj AGB a ap ye:

Capital Health Regional Medical Center

- Sèvis Pasyan Entène– 11.17%
- Sèvis Pasyan Pa Entène– 12.67%

Capital Health Medical Center – Hopewell

- Sèvis Pasyan Entène– 7.65%
- Sèvis Pasyan Pa Entène– 12.99%

Nenpòt pasyan ki kalifye pou asistans finansye ap toujou gen pou peye mwens AGB oswa nenpòt rabè ki disponib sou FAP sa a.

VIII.METÒD POU APLIKE ASISTANS FINANSYE

- A. Moun ki san asirans yo ap jwenn yon rabè jan li dekri nan Pati VI (A). Y ap bezwen ranpli yon aplikasyon ou rabè sa a. Moun ki san asirans yo kapab aplike pou asistans finansye jan li dekri nan Pati VII (C).
- B. Pasyan ki satisfè kritè kalifikasyon pou Charity Care yo dwe ranpli yon Aplikasyon Pou Patisipasyon Nan Pwogram Asistans Lopital New Jersey konplè..

Aplikasyon sa a gen sèten dokiman ki nesèsè selon Manyèl Sèvis Lopital Seksyon Charity Care a N.J.A.C. 10:52. N ap bezwen dokiman sa yo pou konsidere kalifikasyon yon pasyan:

1. Dokiman apwopriye pou idantifikasyon pasyan ak fanmi:
Sa kapab genyen bagay sa yo ladan: lisans pou kondi, kat sekirite sosyal, kat rezidans, batistè paspò, viza, idantifikasyon eta a ba ou, elatriye.
2. Prè ou se yon Rezidan New Jersey nan dat sèvis la: Sa kapab genyen ladan nenpòt nan bagay sa yo: lisans pou kondi, kat idantifikasyon plan asistans sosyal, bòdwo pou sèvis piblik, deklarasyon taks sou revni Federal, deklarasyon taks sou revni eta, oswa on deklarasyon alokasyon chomaj (remak: swen ijan se yon eksepsyon pou egzijans rezidans la).
3. Prè revni brit:
Sa kapab genyen ladan sous chèk, W-2, deklarasyon alokasyon chomaj, elatriye.
4. Prè byen depi dat sèvis la:
Sa yo se bagay ou kapab chanje an lajan kach. Yo gen ladan deklarasyon labank, deklarasyon envestisman, elatriye.

Yon lè konsa, nou kapab mande plis dokiman selon sikonstans aplikasyon moun nan. Yon moun kapab aplike pou Charity Care jiska dezan (730 jou) apre dat sèvis la.

- C. Pasyan ki satisfè kritè kalifikasyon pou Rabè Moun San Asirans la dwe soumèt yon Feyè Kalkil Finansye Konfidansyèl Capital Health konplè pou konsidere li pou kalifikasyon. Ou p ap bezwen soumèt okenn dokiman an plis ak sa yo.

Anjeneral, premye bagay pasyan ki bezwen asistans finansye ap bezwen fè se soumèt yon Feyè Kalkil Finansye Konfidansyèl. Selon enfòmasyon yo bay, Depatman Kredi ak Koleksyon Capital Health la ap fè pasyan an konnen si li kapab kalifye pou asistans finansye ou pa.

Kou yon pasyan fin soumèt yon Aplikasyon, pèsonèl depatman Kredi ak Koleksyon an ap revize Aplikasyon an pou wè si li kalifye. N ap ekri pasyan an, oswa moun ki responsab sou plan finansye an pou fè li konnen desizyon nou.

Si Capital Health resevwa yon Aplikasyon ki pa konplè, y ap ekri pasyan, oswa moun ki responsab sou plan finansye an, yon avi ki detaye plis enfòmasyon ak/oswa dokimantasyon li bezwen pou detèmine si li kalifye pou FAP. Pasyan, oswa moun ki responsab sou plan finansye an, ap genyen pou plis 30 jou oswa kantite jou ki rete nan Peryòd Aplikasyon an (dezan oswa 730 jou apre dat sèvis la) pou soumèt yon Aplikasyon konplè ak nenpòt enfòmasyon anplis Capital Health mande. Anplis, y ap bay pasyan yo yon PLS.

Tanpri gade Pati V pou kote Aplikasyon an disponib gratis si ou mande li.

IX. PRATIK FAKTIRASYON AK KOLEKSYON

- A. Tout kont konpayi asirans pasyan an kite yon rès pou peye oswa li pa gen yon konpayi asirans pou peye pou li, nou konsidere se pasyan an k ap peye poutèt li. N ap ofri pasyan sa yo enfòmasyon sou asistans finansye lè yo enskri.
- B. Pasyan k ap peye poutèt yo ap resevwa yon seri kat lèt ak yon avi ijan pandan yon peryòd 13 jou apre dat yo resevwa premye bòdwo pou swen an. Nou dwe voye avi ijan sa a bay pasyan yo pou bay yo omwen 30 jou pou peye rès lajan yo dwe a avan nou voye dèt la ba yon ajans koleksyon. Avi a ap:
- endike gen asistans finansye disponib pou pasyan ki kalifye yo;
 - gen yon nimewo telefòn kote moun yo kapab jwenn enfòmasyon sou FAP ak asistans ak pwosesis Aplikasyon an;
 - gen adrès sitwèb òganizasyon ak kote yo kapab jwenn kopi FAP, Aplikasyon ak PLS la;

- idantifye Aksyon Koleksyon Ekstrawòdinè ("ECA") Konpayi Endepandan an gen entansyon fè pou touche pou swen an;
- mete yon delè pou lè y ap kòmanse ECA yo (epi delè sa a pa kapab avan 30 jou apre yo bay avi a); epi
- mete yon kopi PLS la.

Capital Health ap fè tout efò rezonab pou notifiye moun nan pa bouch sou FAP a ak kijan moun nan kapab jwenn asistans ak pwosesis aplikasyon an.

- C. An plis lèt ak avi ijan an, departman kont pasyan an ap rele moun nan sou telefòn si li dwe plis pase \$750.00 pou eseye regle balans li dwe a.
- D. Si moun nan pa regle sa poutèt li nan lespas 135 jou, y ap make kont la kòm yon move dèt epi transfere li ba youn nan ajans koleksyon depandan prensipal yo sou non pasyan an.
- E. Ajans koleksyon prensipal la gen 270 jou pou travay ak kont la. Nan fen 270 jou a, si pasyan an toujou dwe sou kont la, y ap voye konte la sou yon ajans koleksyon segondè otomatikman. N ap itilize yon sèl ajans koleksyon segondè.
- F. Yon moun gen dezan (730 jou) apre dat sèvis la pou aplike pou asistans finansye.
- G. Si Capital Health resevwa yon Aplikasyon konplè, l ap garanti bagay sa yo fèt:
 - Yo koupe ECA kont pasyan an;
 - Yo decide si moun nan kalifye epi ekri sa atan;
 - Capital Health ap ekri pasyan an pou fè li konnen desizyon an ak rezon nou pran desizyon an, kijan nou te decide kantite a ak pousantaj AGB ki aplikab;
 - N ap bay pasyan an yon bòdwo revize ki di kantite pasyan ki kalifye pou FAP a dwe (si li apwopriye); epi
 - N ap ranbouse pasyan ki kalifye pou FAP a nenpòt lajan li te peye an plis kòm sadwa (si li aplikab epi li plis pase \$5).
- H. Si Capital Health resevwa yon aplikasyon ki pa konplè, l ap ekri pasyan an yon avi ki dekri enfòmasyon ak dokiman li bezwen an plis pou decide si li kalifye pou FAP..

Konpayi Endepandan yo ap koupe nenpòt ECA pou touche pou swen an jiskaske Capital Health deside si li kalifye pou FAP ou pa.

- I. Ajans koleksyon segondè a se sèl ajans ki gen otorizasyon pou mennen pasyan nan lajistis pou kont ki gen yon move dèt. Apa nenpòt kont ajans koleksyon segondè a ap mennen lajistis, ajans koleksyon segondè a gen 370 jou pou travay sou kont la.
- J. Nan fen peryòd 270 jou ak ajans koleksyon segondè a yo retounen kont la sou sistèm kontablite pasyan an otomatikman epi yo mete yon kòd "TB" (regran) sou li).
- K. Sa asire yon kont ak kòd ajans TB a te nan sik koleksyon moun ki peye pou tèt y pou 135 jou, ak yon ajans koleksyon prensipal pou 270 jou epi ak yon ajans koleksyon segondè pou yon lòt 270 jou.
- L. N ap trete tout kont egal-ego kèlkeswa moun k ap peye sou li a.

Lè yon pasyan di li pa gen mwayen oswa li gen difikilte pou respekte obligasyon finansye li gen pou Capital Health parapò ak swen li, Capital Health ap travay ak pasyan an pou konnen ki asistans finansye ki disponib pou satisfè obligasyon an. Asistans finansye kapab genyen ladan:

- A. Etabli yon plan peman, ki pa sipoze depase rès jou nan sik faktirasyon an avan yo te voye li sou ajans koleksyon prensipal la;
- B. Idantifye asistans finansye ki disponib nan pwogram tankou Medicaid, Charity Care oswa lòt òganizasyon charite endepandan;
- C. Yon rabè sou yon pati oswa tout lajan pasyan an dwe pou swen li selon kondisyon prensip sa a.

Capital Health egzije ajans koleksyon li yo pou respekte prensip sa a. Pou ede yo konfòme ak prensip sa a, Capital Health mete nan tout aranjman ak ajans koleksyon:

- A. Egzijans pou ajans koleksyon yo pa patisipe nan okenn aktivite ki vyole Lwa Sou Pratik Koleksyon Dèt ki Jis [Fair Debt Collections Practices Act (15 U.S.C. Section 1692 et. seq.)].
- B. Ajans la rekonèt misyon ak estati Capital Health kòm yon òganizasyon ki pa komèsyal ak yon akò ajans la pou pa patisipe nan okenn pratik ki kont estati sa a oswa ki vyole prensip sa a.

Capital Health ap mennen yon pasyan lajistis pou satisfè obligasyon finansye li sèlman kote gen rezon pou kwè pasyan an oswa moun ki responsab la gen ase lajan ak/oswa byen pou satisfè obligasyon an san difikilte. Capital Health pa p eseye vann oswa sezi rezidans prensipal yon pasyan pou satisfè obligasyon finansye li.

X. REFERANS

Depatman Sèvis Sante ak Imen Etazini, Gid Sou Konfòmite Lopital Biwo Enspekte
Jeneral la, Mas 1998
Deklarasyon American Hospital Association ak New Jersey Hospital Association sou
Prensip ak Gid Sou Pratik Faktirasyon ak Koleksyon Lopital
Lwa New Jersey, A 2609

ANÈKS A

**CAPITAL HEALTH
FÈY KALKIL FINANSYE KONFIDANSYÈL**

DAT SÈVIS _____

NON PASYAN AN _____

ADRÈS: _____

TELEFÒN: _____

MOUN KI RESPONSAB _____

ADRÈS: _____

KOTE L AP TRAVAY

PASYAN: _____

PARAN/MARI/MADANM: _____

PARAN/MARI/MADANM: _____

KANTITE MOUN NAN FANMI AN

KANTITE MOUN NAN KAY LA: _____

LÒT DEPANDAN: _____

REVNI CHAK MWA (POU DAT SÈVIS LA SÈLMAN)

REVNI PASYAN AN _____

REVNI MARI/MADANM _____

REVI PAPA (SI PASYAN AN MINÈ) _____

REVNI MANMAN (SI PASYAN AN MINÈ) _____

SIPÒ TIMOUN _____

SEKIRITE SOSYAL _____

PANSYON _____

SSI/ANDIKAP _____

KOUPON MANJE _____

LÒT REVNI

() WI _____

() NON _____

REVNI TOTAL CHAK MWA _____

Mwen jire enfòmasyon ki anwo a vrè ak egzat epi mwen te fè aplikasyon sa a pou pèmèt Capital Health jije kalifikasyon mwen pou jwenn yon rabè nan depans medikal ki soti nan pòch mwen. Si nenpòt nan enfòmasyon mwen bay yo la a pa vrè, mwen konprann Capital Health ka re-evalye sitiyan finansye mwen epi aji fason ki nesèsè pou touche lajan mwen dwe sou kont mwen a.

PASYAN, PARAN OSWA RESPONSAB LEGAL:

(Ekri Non ak Lèt Detache)

(Siyen la)

(Dat)

Anèks B

Lis Pwofesyonèl Swen Sante Capital Health

Gwoup sa yo pa garanti sou Prensip Asistans Finansye Capital Health la:

Capital Health Medical Group
Capital Health Multispecialty Group

Liy sèvis yon pwofesyonèl swen sante bay bòdwo sa yo pa garanti sou Prensip Asistans Finansye Capital Health la:

Sèvis Anestezyoloji Pwofesyonèl
Sèvis Kadyo-Torasik & Vaskilè Pwofesyonèl
Sèvis Maladi Kadyo-vaskilè Pwofesyonèl
Sèvis Medsin Swen Kritik Pwofesyonèl
Sèvis Dantis Pwofesyonèl
Sèvis Dèmatoloji Pwofesyonèl
Sèvis Medsin Ijan Pwofesyonèl
Sèvis Andokrinoloji Pwofesyonèl
Sèvis Medsin Familyal Pwofesyonèl
Sèvis Gastwo-Antewoloji Pwofesyonèl
Sèvis Chiriji Jeneral Pwofesyonèl
Sèvis Ematoloji/Onkoloji Pwofesyonèl
Sèvis Epatoloji Pwofesyonèl
Sèvis Maladi Enfektye Pwofesyonèl
Sèvis Medsin Entèn Pwofesyonèl
Sèvis Nefwoloji Pwofesyonèl
Sèvis Chiriji Newolojik Pwofesyonèl
Sèvis Newoloji Pwofesyonèl
Sèvis Obstetrik/Jinekolojik Pwofesyonèl
Sèvis Oftalmolojik Pwofesyonèl
Sèvis Chiriji Oral & Maksilo-Fasyal Pwofesyonèl
Sèvis Òtopedik Pwofesyonèl
Sèvis Otolarenkoloji Pwofesyonèl
Sèvis Patoloji Pwofesyonèl
Sèvis Chiriji Pedyatrik Pwofesyonèl
Sèvis Pedyatrik Pwofesyonèl
Sèvis Chiriji Plastik & Rekonstriktif Pwofesyonèl
Sèvis Podyatri Pwofesyonèl
Sèvis Sikyatri Pwofesyonèl
Sèvis Sikoloji Pwofesyonèl

Koleksyon Lopital ak Prensip Asistans Finansye

CCP-FI-006

Paj 14 nan 14

Sèvis Pilmonè Pwofesyonèl

Sèvis Radyasyon Onkoloji Pwofesyonèl

Sèvis Radyoloji Pwofesyonèl

Sèvis Medsin Reyabilitasyon Pwofesyonèl

Sèvis Rimatoloji Pwofesyonèl

Sèvis Torasik Pwofesyonèl

Sèvis Iwoloji Pwofesyonèl

Sèvis Vaskilè Pwofesyonèl